



Број: 01,02,03/11-05-1-2118/17

Sarajevo, 23.10.2017.

PRIMLJENO: 25-10-2017			
Organizaciona jedinica	Klasifikaciona oznaka	Redni broj	Broj priloga

Izvještaj s Jesenjeg zasjedanja 137. skupštine Interparlamentarne unije (IPU)

St. Petersburg, Rusija 14. – 18. oktobar 2017.

U okviru redovnog jesenjeg zasjedanja Interparlamentarne unije u St.Petersburgu od 14. do 18. oktobra 2017. organizirana je 137. skupština Interparlamentarne unije (IPU).

Centralna tema rasprave ovogodišnjeg jesenjeg zasjedanja najstarije i najveće parlamentarne organizacije na svijetu bila je promoviranje kulturalnog pluralizma i mira kroz međuetnički i međuvjerski dijalog. Skupštini je prisustvovalo oko 1500 delegata iz 155 zemalja članica, među kojima je bilo 85 predsjednika i 50 zamjenika predsjednika parlamenata. Delegaciju Parlamentarne skupštine BiH predvodio je član Delegacije PSBiH u Interparlamentarnoj uniji (IPU) Predrag Kožul.

Na početku konferencije održana je sjednica Upravnog vijeća na kojoj su razmotrene aktivnosti ove parlamentarne organizacije između dva zasjedanja.

Tokom zasjedanja Skupštine, diskutiralo se i o ulozi Generalne skupštine Ujedinjenih naroda (UN) u međunarodnoj upravi, o procesu koji su pokrenuli Ujedinjeni narodi kako bi se zabranilo nuklearno naoružanje, kao i o ulozi parlamenata u nadziranju djelovanja oružanih snaga koje učestvuju u mirovnim operacijama UN-a. Također, razmotrena su i druga globalna pitanja iz oblasti zdravstva, zaštite čovjekove okoline i korištenja obnovljivih izvora energije.

Na marginama 137. zasjedanja Skupštine IPU-a, članovi Delegacije PSBiH u Interparlamentarnoj uniji održali su bilateralne susrete s članovima delegacija Hrvatske i Srbije na kojim je iskazana zajednička želja da saradnja parlamenata ovih susjednih zemalja s Parlamentarnom skupštinom BiH bude ključ za rješavanje svih otvorenih pitanja.

Rezolucija pod nazivom „Dijeliti našu različitost: 20. godišnjica Univerzalne deklaracije o demokratiji“ usvojena je tokom zasjedanja o čijem sadržaju je prethodno raspravljao Stalni komitet IPU-a za demokratiju i ljudska prava.

Također, usvojen je i zvanični prijedlog Izvršnog komiteta IPU-a da se na narednom, 138. zasjedanju IPU-a, koje će biti održano u martu 2018. godine u Ženevi, formira radni panel na visokom nivou koji će činiti iskusni parlamentaraci i bivši predsjednici IPU-a. Ovo radno tijelo će u saradnji s parlamentima raditi na rješavanju važnih globalnih problema.

Na kraju zasjedanja, održani su izbori za predsjednika Interparlamentarne unije za period 2017.-2020. Za mjesto predsjednika IPU-a predložene su dvije kandidatkinje: senatorica Ivone Pasada iz Urugvaja i senatorica Gabriele Cuevas Barron iz Meksika.


Nakon glasanja, za predsjednicu IPU-a izabrana je Gabriele Cuevas Barron iz Meksika, koja će tu dužnost obavljati naredne tri godine.

Skupštini Interparlamentarne unije su, osim šefa Delegacije Predraga Kožul, iz Parlamentarne skupštine BiH prisustvovali: Sredoje Nović, član Delegacije PSBiH u Interparlamentarnoj uniji (IPU), Vlade Srdanović, prevodilac, te Enida Mehmedovski iz Sektora za međunarodne odnose i protokol Sekretarijata Parlamentarne skupštine BiH.

Izvještaj pripremila:

Enida Mehmedovski


Sektor
za međunarodne odnose i protokol



Izvještaj odobrio:

Predrag Kožul

član (šef) Delegacije IPU-a



Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- članovima Delegacije PSBiH u Interparlamentarnoj uniji (IPU)
- Komisiji za vanjske poslove Predstavničkog doma PSBiH
- Komisiji za vanjske i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću PSBiH
- Sektoru za međunarodne odnose i protokol PSBiH

Kopija: Ministarstvo vanjskih poslova BiH